

Liebe/r Leser/in, Begriffserklärungen finden sich unter folgendem Link:
<http://www.katzbach.com/images/stories/pdf/Briefprokoll-Erklarungen.pdf>

[.....]

@

Porgschafts Verschreibung P[e]r: 245. f. 9. xr: 2. hl:

Barbara: Hansen Pockhs aus: Kazbach, Eheweib seel:[ig] oder statt deren , ihre hinderlassener .2. Töchter Walburga, vnnd Barbara, anstatt deren obiger Hanns Pockh, Jhr Eheleiblicher Vatter, dann Sebastian Ströckh aus der Kienrieth, Jtem die Mathes Ströckhische Kündler von der Kienrieth, Hanns Georg, dann Geörg, Anna Barbara, vnnd Barbara, welche deren Stief Vatter Ulrich Stockher Bay Gericht vertreten, dann Veronica: Hannsen

.216

Fischers von der Hofmarch Geiganth, Eheweib vnnd entlichen die Sebastian Ströckhische .2. Söhn von dem Marckht Hofkhürchen aus Bay[e]rn, Nammens Hanns Geörg, vnnd Sebastian „p“ ihrer abwesenheit halber, von Hanns Ederer von Kazbach, vnnd Hanns Clain von Ponholz, vertreten werden, erschienen anheuet bey Gericht, bekhennen hiemit, vnnd in Craft diss Briefs, vor Sÿe vnnd deren Erben, das deren Brieder, Schwäger, vnnd Vatter Nammens Michael, vnnd Andree Ströckh von der Kienrieth, sich schon Lange: vnnd zwar der Frembd, vnnd der Andree dem gewissen Vernemmen nach in Kriegs diensten vfm March gestorben; Zemahlen Sÿe dann von khainen Unzthero niemahlen ainige post erhalten, ob von ihnen ainiger Erb verhandten Seÿe oder nit. Also haben Sÿe die gebiehrente Ansuchung gethan, ob ihnen solch: ihrer schon lang abwesendten Brüeder: vnnd Schwäger Erbthail oder Vermögen Gegen Genuegsamer Caution zuegelassen werden möchte, welches auch ihnen auf vorstandtene Weis consentiret, vnnd solchemnach selbigen beriehrter Erbthail, so vermög der angefert[igten] abgelegten Vormundtschaft Rechnung, sambt den bishero betroffenen intee .245. f. 9. kr: 2. hl: importiert, ausfolgen, vnnd der proportion nach vnnder Sÿe Erben vethailen z[u]lassen, bewilliget worden, d[a]s Sÿe derentwillen

genuegsambe Caution, auch von heuntigen dato an, allen= fahls, d[a]s Landts gebräuchige intee: præstieren sollen; Dahero Sÿe dan solches hiemit bewürckhen wollen, müssen Sÿe sich dann in Craft diss dahin obligieren, wann wider Verhoffen, deren Landts abwesente Brueder, Schwäger, vnnd Vötter noch bey Leben sein: vnnd also yber kurz: oder lange Jahr derohrten khommen: oder sich von dennen selben aine Eheliche Leibs Erben, welche zu disen ihren Vermögen einen Rechtlichen Zuspruch hetten, anmeldten wurdten, d[a]s Sÿe vf solchen fahl dise, von ihnen ererbte .245. f. 9. kr: 2. hl: wider also gleich zurueckh geben wollen, zu mehrer Versicher: vnnd bekräftigung dessen nun thuen Sÿe ihr haab: vnnd Güetter in specie, in genere aber ihr völliges Vermögen, vnnd ain ieder

sain besizentes haimbwesen in particulari, verhypothecieren,
vnnd noch darzue zu vnuerschaidentlichen Porgen selbst Gelter
vnnd Zahler zesain, vorstehlig machen, die Ehrbahre Ulrichen
Stockher aus der Kinrieth, Hannsen Ederer, vnnd Hannsen Pockh,
dann Geörgen Jacob alle dreÿ aus: Kazbach, vnnd Hanns Clain
aus: Ponholz, sambentlich Ambts Vnnderthannen, welche dann
auch solche Porgschaft freÿwillig vf sich genommen, vnnd d[a]s
Sÿe auf dem fahl beÿ mehr bemelten Erben, d[a]s vf: ihren
Schwäger, Brueder, vnnd Vöttern yberkhommene deren

.217.

anerbiethen nach, wider verhoffen nit zu haben were, Sÿe selbst
Gelter vnnd Zahlere sein wollen, wesswegen Sÿe dann beÿ
dem Churf[ü]r[s]t[lichen] Pflegambt handtstraichl:[ich] angelobt, Geschechen
den .22. Jenner a:[nno] .1729.

Zeugen

Herr Paulus Sturmb des Rhats: vnnd Geörg Wagner Beede
Burger alhier.

© Transkription durch Josef Ederer, Katzbach 33

F:\Fotos\Fotohistorik1\Grundsteuerkataster\Briefsprotokolldaten\Briefprotokolle\Briefprotokoll
e Waldmünchen 174\Bock Ka 4 BP 174 26_27.docx